

Üna trentina d'uffants han visità l'ospital

(S)pass da vacanzas In occasiun dal spass da vacanzas da la Pro Juventute Engiadina Bassa han visità quist'eivna 30 uffants l'ospital da Scuol. Il böt da quista visita es stat da redüer la temma dals uffants pro situaziuns d'urgenza inaspettadas e pro soggiorns a l'ospital. Ils uffants han visità la staziun d'urgenza, la stanza da parturir ed il servezzan da salvamaint. Tenor comunicaziun da pressa dal Cen-

ter da sandà Engiadina Bassa sun stats ils uffants da set fin ündesch ons fich interessats ed els han impris co alarmer il servezzan da salvamaint sur il nomer d'urgenza 144. Els han dafatta impris a dovrar ün defibrilatur e sun gnüts infuormats a regard ils differents mansters e giarsunadis chi's po imprendier illa spartà da sandà ed i'l Center da sandà Engiadina Bassa. (protr.)



Üna gruppa d'uffants dal (s)pass da vacanzas davant l'ambulanza da l'Ospital Engiadina Bassa a Scuol.

fotografia: mad